

**DVG CU YAMADO
PA ACCION CONTRA
CRIADERO DI
SANGURA**



WWW.SOLODIPUEBLO.COM



SOLODIPUEBLO@GMAIL.COM

ORA PARLAMENTO NO POR REUNI, DEMOCRACIA TA PERDE

*Presidente Marlon Sneek ta
bayendo riba un caminda
peligroso pa nos democracia*



CRIATURA TA SCAPA, DESPUES CU SU MAMA BURACHI NA STUUR A BOLTER E AUTO



DOS RUMAN CONDENA PA BENDEMENTO DI COCAINA



**FUNDACION
EPILEPSIA
ARUBA A
CELEBRA
'PURPLE DAY' CU
EXITO NA SCOL
PASO PA FUTURO**



DOS RUMAN CONDENA PA BENDEMENTO DI COCAINA

ORANJESTAD – E rumannan homber D.T.(56) y E.T. (55), a presenta dilanti Hues awe mainta pa e caso penal cu Ministerio Publico a cuminsa contra nan.

SOLO DI PUEBLO por a compronde cu Fiscal a haya e rumannan culpabel di tabata bende cocaina den Apelsinastraat. Hues a confirma e exigencia di Fiscal pa e dos rumannan.

BENDEMENTO DI COCAINA

E acusacion cu Fiscal a presenta contra e rumannan D.T. y E.T. ta cu entre 1 Januari 2025 y 9 October 2025, nan tabata bende, posecion y duna cocaina. Hues a puntra D.T. kico e tin di bisa riba e acusacion. Segun D.T., Polis a drenta den su camber y a haya algo cu no ta di dje sino su ruman E.T. El a bisa Hues cu e dia ey e no tabata na cas. Hues a bisa cu e sospecho ta cu D.T. tabata bende droga. D.T. a bisa cu e no tabata bende droga. Hues a bisa cu na Polis D.T. a bisa cu e tabata bende. D.T. a bisa Hues cu de vez en cuando e tabata bende pa e haya algun cen pasobra e no por traha, door cu a kita un dede di pia di dje. Hues a bisa cu dia 9 October 2025 el a wordo deteni. A lo largo D.T. a confirma cu e tabata bende.

Hues a puntra E.T. si e acusacion ta cuadra. Segun E.T., el a bende solamente 4 luna pasobra e tabata traha anochi. Hues a bisa cu tin testigonan cu ta papia cu E.T. lo tabata bende pa 1 aña caba. E.T. a reacciona cu esey no ta berdad y cu tin di e testigonan cu e no conoce mes y nan a bisa cu nan a cumpra un aña caba for di E.T.

Hues a muestra cu segun e rapport di Polis, dia 1 Augustus 2025, un persona anonimo a notifica Polis cu den Apelsinastraat tin bendemento di droga door di D.T. y su yiu muher

S. Polis a bay observa diferente dia den October 2025. Nan a mira cu diferente persona tabata bay na e cas y ta drenta y sali. Hopi biaha Polis a mira hende ta hinca algo den saco di carson. Esaki ta indicacion cu tin bendemento di droga.

HAYA COCAINA Y PLACA DEN CAS

Dia 9 October 2025, Polis a haci investigacion na e cas y D.T. no tabata na cas. Polis a haya banda di e yiu homber di D.T. 40,49 gram di cocaina. Den camber di D.T. a haya 9 gram y den un lugar 14.4 gram di cocaina. E.T. a wordo haya cu droga. El a bisa Hues, cu e pochi cu a haya den camber di D.T. tabata di dje. Hues a puntra D.T. si el a mira e pochi den su camber. D.T. a bisa cu el a mira e pochi pero no a haci caso.

Hues a menciona cinco testigo cu e declara na Polis cu a cumpra droga for di D.T. y E.T. Nan a reconoce D.T. y E.T. riba potret. Hues a bisa cu tin 2 testigo cu ta papia cu a cuminsa cumpra for di 2024 y hopi biaha. Hues a muestra cu Polis a observa cu den un periodo di 1 ora, a mira 8 hende yega na e cas. Hues a bisa cu E.T. a declara cu e placa cu Polis a haya riba mesa den sala, ta di bende di droga. D.T. a bisa Hues cu e placa cu Polis a haya den su cashi, ta placa cu el a haya pa bende pisca. El a bisa cu e tabatin algo mas di 1 mil florin den un etui. El a bisa cu hendenan a pag'e caba pa cuminda cu D.T. ta haci di pisca. Hues a bisa cu 1900 florin y mas o menos 81 dollar a haya di D.T. Segun D.T. e dollars ta di dje cu e ta bay hunga den casino.

Hues a remarca cu E.T. a yega di wordo condena na 2017 pa droga. Hues a bisa cu pakico E.T. a bolbe bay bende droga. Segun E.T. promer

biaha tabata un caso di yamada cu a scucha di droga pero no bendemento. Hues a remarca cu apesar cu E.T. a haya castigo, esey no a stop E.T. di bende droga. Hues a bisa cu segun orientacion di Hof, si bendemento di droga tabata 6 luna ta castigo entre 12 y 18 luna di prison e rumannan por spera.

FISCAL A EXIGI CASTIGO COMBINA

Fiscal a bisa cu a base di informacion anonimo, Polis a bay observa na e cas den Apelsinastraat na October 2025 y a mira movecionnan. Dia 9 October 2025, Polis a haci investigacion na e cas y a haya droga y placa. Na opinion di Fiscal, ambos ruman a declara na Polis cu de vez en cuando a bende. Fiscal a muestra cu tin 5 testigo a declara di tabata cumpra for di e 2 rumannan. Fiscal ta haya legalmente proba cu entre 1 Januari 2025 y 9 October 2025, D.T. y E.T. tabata bende. Fiscal a bisa cu E.T. tabatin total 60.85 gram den su poder.

Pa cu e castigo, Fiscal a muestra cu e rumannan durante 9 luna tabata bende droga. Ademá a haya E.T. cu 60.85 gram di cocaina. Fiscal a bisa cu cocaina ta causa adiccion y tristeza den famia. Ademá e ta causa criminalidad. Fiscal a bisa cu e ta tene cuenta cu circunstancia personal di e rumannan y cu E.T. ya a yega di haya castigo pa droga. Fiscal a exige pa D.T., 12 luna di prison di cual 3 luna ta condicional cu 3 aña di prueba. Fiscal a exige pa E.T., 15 luna di prison di cual 3 luna ta condicional cu un tempo di prueba di 3 aña. Fiscal a sigui bisa cu e 60.85 gram di cocaina a wordo destrui, e 2 cellularnan confisca, E.T. por haya bek. E homber D.T. por haya bek e placa den e etui y e placa cu tabatin den un baki. E otro placanan

cu a haya cu ta di bendemento di droga di E.T., lo keda confisca.

ABOGADO

Abogado mr. Kock di D.T. a bisa Hues cu e ta referi na decision di Hues. Mr. Edwards a bisa Hues cu E.T. a bisa cu ta 4 luna e tabata bende. E abogado a bisa cu E.T. a coopera cu Polis den e investigacion. E abogado a bisa Hues cu den Corte tambe E.T. a bisa cu ta 4 luna e tabata bende y a bisa cu e droganan haya ta di dje y no di D.T. E abogado a muestra cu tin testigo cu E.T. no conoce, a bisa cu nan tabata cumpra pa un periodo mas cu 1 aña. E abogado a bisa Hues pa tene cuenta cu E.T. tabata traha na un panderia y cu un castigo mas abao lo haci cu e lo por bay traha e trabao atrobe.

SENTENCIA

Hues a sera tratamiento di e caso y a pospone e caso un rato pa bay evalua. Despues Hues a bolbe y dicta sentencia di biaha. Hues ta haya legalmente proba cu e rumannan E.T. y D.T. tabata bende droga durante e periodo 1 Januari 2025 y 9 October 2025. Pa cu e castigo, Hues a bisa cu e orientacion di Hof ta mas halto cu Ministerio Publico ta usa. Hues a sigui Fiscal su exigencia caminda ta haci un diferencia entre D.T. y E.T. Hues ta haya cu E.T. tabatin un funcion mas halto. Hues a condena D.T. na 12 luna di prison di cual 3 luna ta condicional cu 3 aña di prueba.

Hues a condena E.T. na 15 luna di prison di cual 3 luna ta condicional cu un tempo di prueba di 3 aña. E droga lo wordo destrui y e placanan di D.T. lo wordo debolbe. E.T. lo haya su cellularnan bek y e placa cu tabata su salario. E resto di placa lo keda confisca.

Lider di Fraccion di MEP Evelyn Wever-Croes: ORA PARLAMENTO NO POR REUNI, DEMOCRACIA TA PERDE

Presidente Marlon Sneek ta bayendo riba un caminda peligroso pa nos democracia

ORANJESTAD — Cu hopi preocupacion y tristesa mi a tuma nota cu e Presidente di Parlamento Marlon Sneek ta sigui nenga pa yama un reunion di Parlamento tocante ley di Reino HOFA, apesar di un peticion formal di 9 miembro di Parlamento. Esaki no ta un asunto politico normal. Esaki ta yega te den e curason di nos democracia. Ta hopi preocupante cu e Presidente ta sconde su decision tras di e lidernan



STATEN VAN ARUBA

Fractie Movimiento Electoral di Pueblo

Aan de Voorzitter van de Staten van Aruba
dhr. A.M. Sneek
L.G. Smith Blvd 72
Alhier

Betreft: Verzoek tot bijeenroepen openbare vergadering – uw reactie d.d. 24 maart 2026

Aruba, 25 maart 2026

Geachte Voorzitter,

Op 23 maart 2026 hebben negen Statenleden, conform het Reglement van Orde, verzocht om het bijeenroepen van een openbare vergadering van de Staten. In uw reactie van 24 maart 2026, via de Griffier, geeft u aan dat u dit verzoek niet zult honoreren.

Met deze brief wijs ik u erop dat het Reglement van Orde u in deze geen keuze of beoordelingsruimte geeft, maar een duidelijke verplichting oplegt. Indien het vereiste aantal Statenleden een verzoek doet tot het bijeenroepen van een openbare vergadering, bent u gehouden deze vergadering binnen de daarvoor gestelde termijn bijeen te roepen. De voorzitter heeft in dit geval geen discretionaire bevoegdheid om een dergelijk verzoek te weigeren of niet in behandeling te nemen.

Het niet bijeenroepen van een vergadering ondanks een rechtsgeldig verzoek van het vereiste aantal Statenleden betekent dat het Reglement van Orde niet wordt nageleefd en dat Statenleden worden belemmerd in de uitoefening van hun constitutionele taak. Dit raakt aan de kern van het functioneren van de Staten en daarmee aan de werking van onze parlementaire democratie en rechtsstaat.

Ik verzoek u dan ook formeel om uw besluit te heroverwegen en alsnog, conform het Reglement van Orde, binnen de geldende termijn een openbare vergadering van de Staten bijeen te roepen naar aanleiding van het verzoek van 23 maart 2026.

Ik ga ervan uit dat u als voorzitter zult handelen in overeenstemming met het Reglement van Orde, de staatsrechtelijke beginselen en uw institutionele verantwoordelijkheid om het functioneren van de Staten te waarborgen.

Hoogachtend,

Evelyn Wever-Croes
Fractieleider MEP

cc: Gouverneur van Aruba



di fraccion di Futuro, Ruthlin Lindor, y di AVP, Jennifer Arends-Reyes, cu lo a laga sa cu nan lo no atende e reunion ey. Pero nos mester ta cla: e responsabilidad no ta di e fraccionnan. E responsabilidad ta di e Presidente di Parlamento. E puesto cu e tin ta exigi independencia, curashi y respet pa nos Constitucion y pa e Reglamento di Orden di Parlamento.

Ningun Presidente di Parlamento por pone su mes riba e ley, riba e Reglamento di Orden of riba e Constitucion di Aruba. Parlamento ta e institucion mas halto di nos democracia, y ningun persona su decision personal por stroba Parlamento di reuni y haci su trabou.

Laga nos ta cla cu pueblo di Aruba: esaki ta un caminda peligroso. Ora regla no ta wordo sigui, ora minoria no ta wordo scucha, ora Parlamento no por reuni, nos democracia ta bira debil. Y ora democracia bira debil, tur hende ta perde.

Mi a manda un carta pa sr. Marlon Sneek, den cual mi a haci un yamada serio na e Presidente di Parlamento pa e cumpli cu su deber, respeta e Reglamento di Orden, y yama e reunion dentro di 30 dia, manera mester ta segun ley. No pa un partido, no pa un gobierno, no pa un oposicion, pero pa Aruba y pa nos democracia.

Democracia no ta di un persona. Democracia ta di pueblo.

COA CU REUNION DI DESPEDIDA PA E IV WEGANAN SURAMERICANO DI HUBENTUD 2026



Faltando apenas 15 dia pa inicio di e “IV Weganan Suramericano di Hubentud Panama2026” pa e delegacion di TEAMARU, a tene e Reunion di Despedida den presencia di tur federacion, entrenador, atletanan y nan famia. E reunion aki ta un momento di celebracion, unda ta reconoce e atletanan cu a logra di obtene e oportunidad di bay e Wegananan y representa no solamente Comité

Olimpico Arubano (COA), si nos nos dushi isla di Aruba. Banda di esaki, ta comparti tur informacion importante manera estadia, dianan di biahe y e calendario competitivo. Cada delegacion tin un hefe di mision, y pa Panama2026 lo conta cu Jonathan Wever pa lidera e grupo hunto cu e ekipo di COA cu lo tey pa asisti e diferente deportenan cu lo bay participa pa Aruba. Pa e Weganan aki,



TEAMARU ta conta cu participacion di 6 diferente deporte: natacion, triatlon, atletismo, taekwondo, gimnasia artistica y pa prome biaha ahedres lo forma parti di e delegacion. Un total di 13 atleta y un total di 27 miembro lo

forma parti di e delegacion di TEAMARU. COA ta sumamento feliz pa mira e grupo di hoben cu gran mayoria lo participa un evento di e nivel aki pa prome biaha y asina ta haci conoci di cerca cu e mundo Olimpico. Di parti

di COA ta desea tur hopi exito y cu Aruba logra briya fuerte durante e IV Weganan Suramericano di Hubentud Panama2026.
#TEAMARU
#PANAMA2026
#AOTRONIVEL #COA
#ARUBA

CRIATURA TA SCAPA, DESPUES CU SU MAMA BURACHI NA STUUR A BOLTER E AUTO



Spaans Lagoen - Diahuebs anochi algo pasa di 8'or a sosode un accidente poco pariba di Mangel Halto. Un Nissan March a bolter y keda memey di caminda.

Polis y ambulance a sali cu urgencia pa Spaan Lagoen, unda a sosode un accidente serio cu hende herida.

Habitantenan mesora a bati alarma debi e impacto fuerte unda un March cu un mama na stuur y su yiu

chikito a dal contra un auto staciona y despues bolter.


E dama visiblemente bou influencia. Polisnan di trafico a yega y mesora a lage supla unda cu a sali cu e la bebe.

Paramediconan cu a yega e sitio a bay mesora unda e criatura tur spanta tawata. Aki ta unda e mama a altera masha mahos contra e Paramediconan.

E la wordo deteni y poni den auto di polis pendiente e transportwagen.

Tata di e criatura a presenta pa bay cu e mucha y tawata tin un intercambio no bunita di palabra.

Un yiu muhe a presenta y a puntra polis pa e papia cu su mama, despues hunto cu mas famia a piki e pertenencianan cu tawata den e March. E auto mes no ta sirbi mas.



Na final transportwagen a presenta y a hibe warda di polis.

P o s i b l e m e n t e problemanan personal ta hiba hende na extremonan asina y ta lubida cu tin un bida inocente den e auto.

Nos ta desea tur cos bon pa e dama.

Clasificados



SOLODIPUEBLO@GMAIL.COM
CEL.585 9500



TEMPORADA DI CAMPAMENTO TA CLA PA INICIA MENOS PERMISO Y HENDE CAMPANDO E AÑA AKI PERO KPA SI TA PREPARA



Santa Cruz, ARUBA: Cuerpo Policial Aruba ta cla pa cu e temporada di campamento. Diadomingo 29 maart 2026 e temporada di campamento ta cuminsa te cu diadomingo 12 april 2026. Un temporada cu ta hopi gusta pa nos comunidad. Desde

januari 2026 por a cuminsa haci peticion pa cu campamento te cu luna di maart.

E aña aki tin un total di 203 permiso otorga pa campamento na unda lo tin mas o menos 3800 hende campando riba nos isla. Compara cu aña 2025 ta 13 permiso

menos y 305 hende menos campando e aña aki.

Den diferente distrito polis a tene un encuentro cu e personanan cu a haci peticion pa cu e temporada di campamento. Polis hunto cu diferente stakeholders a informa e campistanan di tur e reglanan y requisito



pa cu campamento. Cuerpo Policial Aruba ta recorda tur campista pa tene bo mes na e reglanan, laga e lugar limpi, corda riba esnan campando rond dibo tambe pa loke ta tocamento di musica duro, percura pa bo tin e permiso na un lugar visibel pa ora polis pasa controla. Mester tene cuenta cu no mag di haci BBQ riba santo blanco na nos beachnan, na otro parti solamenteno

por pero cu un b.b.q. pit di gas. No mag di corta ningun mata den e area cu bo ta campando y si bo tin muchanan ta campa percura pa cuidanan, hopi wowo riba nan y sunblock pa cu e solo fuerte! NO blokia e camindanan necesario. Cuerpo Policial Aruba lo keda haci su controlnan debido y ta desea tur hende bon temporada di campamento

FUNDACION EPILEPSIA ARUBA A CELEBRA 'PURPLE DAY' CU EXITO NA SCOL PASO PA FUTURO



ORANJESTAD, 27 maart 2026: Aruba a bisti color biña riba 26 di maart, na ocasion di celebracion di 'Purple Day', dia internacional dedica na conscientisacion tocante epilepsia y muestra sosten na tur esnan cu ta biba cu e condicion aki.

Fundacion Epilepsia Aruba, a organisa un programa special na scol Paso pa Futuro (PpF), unda no solamente a celebra 'Purple Day', pero tambe a comparti informacion importante na e muchanan, docentenan y personal di scol.

Durante e siman di 23 pa 27 di maart Fundacion Epilepsia (SEA) a tuma un paso importante pa educa scol y comunidad di Aruba tocante e topico di epilepsia. Riba dialuna 22 di maart SEA tawata invita den e programa

Nos Mainta. Diamars SEA tawata na scol PpF pa comparti informacion riba epilepsia na e docentenan. E topico tawata con pa reconoce un un atake di epilepsia (seizure), e posibel causa, y kico pa haci (y kico no pa haci) ora un mucha tin un atake. Riba diaranson 24 Maart, informacion a wordo comparti cu e muchanan den un forma mas simpel y adapta na nan edad unda e tema tawata pa nan compronde kico ta epilepsia y pa nan no tene miedo.

Diahuebs, durante e celebracion di 'Purple Day', e programa a inclui presencia di Minister di Salud Mervin Wyatt-Ras, kende a muestra su sosten y interes den conscientisacion tocante epilepsia. Muchanan di e scol a impresiona tur

hende cu un bunita obra teatral relaciona cu e tema di epilepsia, mustrandonan comprendemento y empatia.

Maryla Solognier, Vice Presidente di Fundacion Epilepsia Aruba, a tuma palabra hunto cu Jasmin Wever-Wever, PR di e fundacion y mama di un mucha cu epilepsia cu ta un estudiante na Paso pa Futuro. Durante nan discurso, nan a comparti experencianan real y a pone enfasis riba e importancia di apoyo, comprendemento y bon comunicacion na scol y den comunidad.

Durante un momento emocional, Jasmin Wever a dedica un poema na su yiu Carrick, sigui pa presentacion di un video caminda Carrick mes ta confirma cu e ta biba cu

epilepsia, loke a causa un impacto grandi riba tur esnan presente.

Na final e muchanan a disfruta hunto di un momento dushi y alegre, cu 'cupcakes', chocomel, oatmeal cookies y appel. Tur esaki a wordo generosamente patrocina pa Bright Bakery, Compra NV., Ricardo y Lucia Wever, Casa Vieja y Subway.

Fundacion Epilepsia ta expresa un danki di curason na tur sponsor pa nan generosidad y sosten. Un danki special tambe na famia di Carrick, Karel y Danila Wever, Janice Wever-Kelly y Gregory Wever pa e decoracion cu blaas, y naturalmente na scol Paso pa Futuro pa nan disonibilidad den haci e celebracion aki posibel. Tur mucha a haci un trabou excelente

y a muestra cu educacion y conscientisacion ta cuminsa na un edad hoben. E meta di Fundacion Epilepsia Aruba ta pa durante henter e aña sigui comparti informacion, crea mas conscientisacion y kibra stigma rond di epilepsia. Door di educacion, nos por crea un comunidad mas comprensivo, unda tur mucha por sinti sigur y sosteni y nunca nan so.

Pa mas informacion, comunidad por sigui Fundacion Epilepsia Aruba riba red social, of por tuma contacto cu Margarita na 593-5806, cu Maryla na 594-5362 of via arubapurple@gmail.com. Hunto nos por crea mas comprendemento....Hunto nos por kibra e stigma.... Bo no ta bo so!



MINISTER GERLIEN CROES:

COMISION DI EVALUACION TA PRESENTA EVALUACION INTERMEDIO DI COOPERACION DI REFORMA NA ARUBA

ORANJESTAD, 27 di maart 2026 – Awe, e Comision di Evaluacion a presenta formalmente e informe final di e evaluacion intermedio di e ‘Onderlinge Regeling Samenwerking bij Hervormingen’ (ORSH), hunto cu e demas rapportnan di investigacion, na Prome Minister, sr. mr. Mike Eman, y na Minister di Relacionnan den Reino, Educacion, Hubentud, Innovacion y Deporte, sra. mr. Gerlien Croes.

E comision di evaluacion a wordo estableci abase di un decision conhunto dia 22 di september 2025 pa e paisnan involucra den Reino, cu como tarea pa prepara un informe independiente riba e funcionamiento di e cooperacion den reforma. E evaluacion ta cubri e cooperacion entre Aruba, Corsou, Sint Maarten y Hulanda desde 2020, cu enfoca riba fortalecimiento di e resiliencia economico y e capacidad gubernamental di e paisnan den Reino. For di e evaluacion ta resulta cu e cooperacion durante e ultimo añanan a produci lasonan importante. Reforma nan a cuminsa, e cooperacion a wordo fortaleci y a incorpora capacidad adicional di expertonan y implementacion



via e ‘Tijdelijke Werkorganisatie’ (TWO). Na mes momento, a constata cu hopi trayecto ainda ta den fase di implementacion y cu ta necesario mas esfuerzo pa logra consolida e resultadonan di forma duradero. E evaluacion tambe ta enfatisa cu e paisnan ta keda primeramente responsabel pa nan propio desaroyo y reforma nan. E cooperacion den Reino mester wordo mira como un instrumento pa fortalece autonomia, entre otro door di amplia capacidad di implementacion, comparticion di conocimiento y desaroyo institucional. Ademá, e evaluacion ta subraya e importancia di

continua cu e cooperacion y ta ofrece punto concreto pa e siguiente fase. E enfoca aki ta riba priorisacion mas concreto, fortalecimiento di capacidad di implementacion y un acercamento dirigi pa realisa reforma nan di manera efectivo.

Gobierno di Aruba ta acoge e resultadonan di e comision di evaluacion y ta considera esaki como un base valioso pa, hunto cu partnernan den Reino, sigui construi riba reforma nan sostenibel. Den periodo binidero, hunto cu e partidonan involucra, lo traha riba e elaboracion adicional di e recomendacionnan.

Cu e evaluacion aki, a tuma un paso importante pa un siguiente fase di cooperacion, unda enfoca, implementacion y responsabilidad comparti ta central, cu como meta

un economia resiliente y un gobierno fuerte pa Aruba. E informe final lo wordo presenta na representantenan di pueblo di tur pais rond 2 di april.

Clasificados

SOLODIPUEBLO@GMAIL.COM
CEL. 585 9500

Parlamentario John Hart di AVP:


IREGULARIDAD SERIO DEN PAGO DI FASE Y ACTIVIDAD ILEGAL MESTER BIN DILANTI LO MAS PRONTO POSIBEL



ORANJESTAD (27 di maart 2026) – Parlamentario di AVP, John Hart, ta haci un yamada firme pa reflexion y accion responsabel den Parlamento di Aruba despues di a haci un analisis profundo di e cuenta anual 2020 di Algemene Rekenkamer di Aruba (ARA), cu ta muestra varios irregularidad significativo, decision ilegal y deficiencia structural den e maneho financiero durante e periodo di Gabinete Wever-Croes. Segun Sr. Hart, e rol di Algemene Rekenkamer como organo independiente ta fundamental pa garantiza cu fondonan publico ta aneja conforme ley, cu transparencia y cu responsabilidad. E rapport di ARA, segun e parlamentario, no

solamente ta documenta irregularidadnan, sino tambetalantapreguntanan serio tocante gobernacion, control financiero y respet pa normanan legal den e maneho di fondonan di pueblo. “E rapport di Algemene Rekenkamer ta muestra claramente cu durante año 2020, casi 43 miyon florin di yudansa den marco di FASE a wordo paga sin un base legal. Esaki ta representa un violacion grave di regulacionnan financiero y ta obliga nos como parlamento pa analisa e echo aki cu seriedad y responsabilidad,” Sr. Hart a declara. Riba pagina 80 di e rapport, ARA ta describi varios irregularidad durante e proceso di aplicacion, evaluacion y pago di e programa FASE.

Entre otro, e rapport ta indica cu e responsabilidad pa ehecuta e pagonan inicialmente tabata bou di Departamento di Asuntonan Social (DAS), pero despues e maneho a wordo transferi pa Departamento di Finanzas (DF) pa ehecuta pagonan via e sistema di payroll. Sinembargo, segun e hayazgonan di ARA, e cambionan den procedimiento no a wordo registra formalmente, creando un situacion unda controlnan interno no tabata suficiente pa preveni pagonan dobel of errornan administrativo. Ademá, e rapport ta señala cu Departamento di Asuntonan Social no tabatin un procedura skirbi pa pagonan cash na beneficiario cu no tabatin un cuenta bancario, un deficiencia cu por pone en riesgo transparencia y verificacion di fondonan publico. “Den un estado di derecho serio, respet pa ley y pa regulacionnan financiero no ta opcion, sino obligacion. Cuando tin indicacion di irregularidadnan asina, e responsabilidad di Parlamento ta pa investiga, discuti y saca conclusionnan riba base di echo y evidencia,” Sr. Hart a enfatisa. E parlamentario a indica cu e rapport di ARA tambe



ta menciona irregularidad den actividadnan ilegal relaciona cu prestamonan cu Aruba a cera, incluyendo prestamonan internacional y emision di obligatieleningen, tema cu merece igualmente un evaluacion institucional serio. Sr. Hart ta enfatisa cu e yamada aki no ta un cuestion di politica partidista, sino di responsabilidad publico y respet pa principio di buen gobernacion. “Transparencia, responsabilidad y respet pa ley ta fundamento di confianza publico. Pueblo di Aruba tin derecho di sa con nan fondonan a wordo maneha y si proceduranan legal a wordo sigui,” e

parlamentario a declara. Den cuadro di fortalecimiento di control democratico y disciplina financiero, Sr. Hart ta solicita formalmente na Presidente di Parlamento pa convoca un reunion riba e tema aki, pa asina Parlamento di Aruba por evalua e hayazgonan di Algemene Rekenkamer y duna direccion claro riba e siguiente pasonan necesario. “Parlamento ta e foro constitucional unda e tipo di asunto aki mester wordo trata. No pa crea division, sino pa garantiza responsabilidad, transparencia y confianza den nos institucionnan,” asina e parlamentario ta conclui.

CAMBIA PERSPECTIVA

TOCANTE OBESIDAD:

SA BO NUMBER Y MIDI BO PESO

Na Aruba mas di 75 % di e poblacion di 20 aña of mas tin sobrepeso of obesidad, cu'n 43% di sobrepeso y un 36% di obesidad (Investigacion di Salud, GOA, 2017, DVG). Esey kiernen cu mas of menos 1 den cada 3 di nos poblacion adulto di 20 aña of mas, ta sufri di obesidad. Lastimamente majoria di nos no ta consiente di nos peso real y su consecuencia pa cu nos salud. Tin sobrepeso of obesidad ta un factor di riesgo grave pa desaroya malesanan cardiovascular y diabetes tipo 2 y ta un contribuyente grandi pa morto prematuro.

E indice di masa corporal real (BMI) promedio di e poblacion entre 25 y 64 aña ta 30.1 kg/m², indicando cu e persona promedio na Aruba ta obeso.

E investigacion di Salud na 2017 haci door di DVG a indica cu ora compara e BMI cu e percepcion di e persona su propio peso, ta keda bon kla cu hopi hende tin un percepcion robes y en realidad tin mas peso cu e ta pensa.

Pa esnan cu ta pensa cu nan ta flaco di mas en realidad 60% tin peso normal, y pa esnan cu ta pensa cu nan tin peso normal en realidad 73% tin sobrepeso.

Esnan cu ta obeso, un den cada 3 ta pensa cu nan tin sobrepeso y no ta realisa cu en berdad nan ta obeso. E percepcion robes aki por ta hopi negativo pa e salud.

Pesey cu e campana SABONUMBER nos di DVG, IBISA y POHers kier consientisa nos poblacion y encurasha tur hende pa midi en realidad nan peso. Bo tin obesidad na momento cu bo tin un acumulacion exceso di vet cu ta forma un peligro pa salud. Un di e metodo pa determina obesidad ta e midi di cintura.

Si bo ta hende homber y bo midi di cintura ta 102 cm (40 inch) of mas of hende muher cu un midi di cintura 88 cm (35 inch) of mas, bo tin vet di mas rond di bo cintura. Por favor acudi na DVG Aruba su plataforma di media social Facebook of Instagram pa nos video cu ta demonstra con pa midi e cintura.

Obesidad y vet dimas rond di cintura ta hisa bo riesgo pa haya malesanan cronico manera diabetes (malesa di sucu), presion halto, problema di lomba y rudia, malesa di curason y ader y cierto tipo di cancer.

Obesidad ta un resultado di diferente factor paden y pafo di nos control. Factornan biologico y genetico ta pone algun di nos na mas riesgo. E ambiente fisico y social tambe por impacta e abilidad di un persona pa por hiba un bida saludabel y kisas expone e

persona na cuminda insaludabel. Den nos próximo articulo lo elabora mas riba e parti aki.

Pa mas información acudi na bo dokter di cas, POHers, DVG, of IBISA of bishita e website: www.worldobesityday.org



Clasificados

Icons representing various services: car, house, shopping cart, briefcase, wrench, and people.

CLASSIFIEDS

SOLODIPUEBLO@GMAIL.COM

CEL. 585 9500

SOLO Di Pueblo

SURPLUS FISCAL IMPULSA DOOR DI UN ECONOMIA CRECIENTE

Awe, Banco Central di Aruba (BCA) a publica e “Economic Outlook” di mas recien pa e sector fiscal. E publicacion aki ta contene pronosticonan di finanzas di gobierno riba termino corto (2025-2026) y termino mediano (2027-2029).

Den e prome mita di 2025, Gobierno di Aruba (GoA) a registra un surplus fiscal cu a sobrepasa esun di e mesun periodo di 2024. Entradanan halto di impuesto

tabata e contribuyente principal, mientras cu entradanan no relata na impuesto mas abou y gastonan mas halto a limita e mehoracion general den e balansa fiscal. Na final di e prome mita di 2025, e proporcion di debe y GDP calcula pa GoA a yega na 67,0%, cual ta menos cu e 68,6% calcula na final di 2024.

Pa 2025 den su totalidad, e pronostico pa finanzas publico ta estima cu GoA lo registra un

surplus fiscal mas grandi compara cu 2024. BCA ta anticipa cu e mehoracion aki lo wordo sosteni door di un economia creciente como resultado di e desaroyo den turismo cu ta sigui fuerte, aunke esaki ta moderando. E proyeccion aki ta asumi cu demanda turistico y domestico lo fortalece crecimiento den entradanan di impuesto, mientras reforma den impuesto riba entrada y accijs riba gasolin mas abou lo limita e efecto aki. Mientras tanto, BCA ta premira cu impuesto riba entrada y ganashi, impuesto riba mercancia y impuesto riba benta (BBO) lo ta e impulsanan principal di entradanan di impuesto mas halto. Den e parti di gasto, BCA tambe ta anticipa un aumento den 2025. Gastonan di personal mas halto parcialmente debi na e indexering di 5,7%, hunto cu gastonan mas halto pa mercancia y servicio y inversionnan di capital probablemente lo empuha e aumento den gasto. Pagonan di interes mas abou como resultado di reduccion den debe publico lo duna cierto alivio den e parti di gasto.

Durante e periodo di pronostico

2026-2029, BCA ta proyecta un expansion continuo di e surplus fiscal. BCA ta anticipa cu entradanan di gobierno lo subi, reflehando pa gran parti entradanan di impuesto mas halto a consecuencia di un economia cu ta creciendo. Tambe ta spera cu gastonan lo expande, esaki ta pa gran parti debi na inversion mas halto.

E proyeccion aki ta refleha un escenario basico y consecuentemente ta suheto na un mescla di riesgonan domestico y internacional. Un crecimiento economico mas abou cu proyecta, shocknan externo incluyendo tensionnan geopolitico relaciona cu e guerra comercial andando y tensionnan actual entre Merca y Venezuela, cambianan den condicionnan financiero externo, gastonan relaciona cu seguridad social y retraso den proyecto di inversion por impacta e resultadonan di e pronostico di finansa publico.

Pa e publicacion completo por bishita www.cbaruba.org.



Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado: Sorteo di Merdia - March 27, 2026

 Sorteo # 4930 9659 8163 5936  X3  Sorteo # 4930 9593  X2  Sorteo # 2986 4369  Sorteo # 4930 5454 Virgo  Sorteo # 1804 569  FP	 <table><tr><th>Sorteo #</th><th>Joker</th><th>Letter</th></tr><tr><td>0 x Jackpot</td><td colspan="2">Proximo Jackpot</td></tr><tr><td>0 x Match 4+</td><td colspan="2" rowspan="3">120.000,-</td></tr><tr><td>0 x Match 4</td></tr><tr><td>0 x Afl. 12,00</td></tr></table>  <table><tr><th>Sorteo #</th><th>Proximo Jackpot</th></tr><tr><td>0 x Jackpot</td><td rowspan="3">60.000,-</td></tr><tr><td>0 x Match 4</td></tr><tr><td>0 x Afl. 8,00</td></tr></table>  <table><tr><th>Sorteo #</th><th>Mega Ball</th></tr><tr><td>0 x Jackpot</td><td rowspan="5">400.000,-</td></tr><tr><td>0 x match 4</td></tr><tr><td>0 x Afl. 500,00</td></tr><tr><td>0 x Afl. 50,00</td></tr><tr><td>0 x Afl. 15,00</td></tr></table>  Afl. 625.000,-  <table><tr><th>Sorteo #</th></tr><tr><td> </td></tr><tr><td> </td></tr><tr><td> </td></tr><tr><td> </td></tr></table>	Sorteo #	Joker	Letter	0 x Jackpot	Proximo Jackpot		0 x Match 4+	120.000,-		0 x Match 4	0 x Afl. 12,00	Sorteo #	Proximo Jackpot	0 x Jackpot	60.000,-	0 x Match 4	0 x Afl. 8,00	Sorteo #	Mega Ball	0 x Jackpot	400.000,-	0 x match 4	0 x Afl. 500,00	0 x Afl. 50,00	0 x Afl. 15,00	Sorteo #					
Sorteo #	Joker	Letter																														
0 x Jackpot	Proximo Jackpot																															
0 x Match 4+	120.000,-																															
0 x Match 4																																
0 x Afl. 12,00																																
Sorteo #	Proximo Jackpot																															
0 x Jackpot	60.000,-																															
0 x Match 4																																
0 x Afl. 8,00																																
Sorteo #	Mega Ball																															
0 x Jackpot	400.000,-																															
0 x match 4																																
0 x Afl. 500,00																																
0 x Afl. 50,00																																
0 x Afl. 15,00																																
Sorteo #																																



HALA ROSEA LIBREMENTE

Cu introduccion di e ley aki DVG y Gobierno ta trata na reduci e risico pa malesanan cronico cu es cu ta huma por desaroya, como tambe proteha e 'second-hand smoker' y preveni e hoben di cuminsa huma na un edad jong.



MEP na Minister Gerlien Croes:

TRANSPARENCIA NO TA OPCION,
TA OBLIGACION



Oranjestad – Recientemente, Fraccion di MEP a ricibi contestacion di 13 pregunta parlamentario cu e fraccion a haci 4 luna pasa na e minister relaciona cu un biahe di trabou cu el a haci pa Hulanda. E preguntanan tabata pa Parlamento wordo informa di e motibo di e biahe, cu ken el a reuni, kico a logra durante e biahe y cuanto e gastonan di e biahe tabata. Esakinan ta preguntanan standard cu fraccion di MEP den Parlamento ta haci na tur minister despues di cada biahe.

Tin minister, por ehempel Minister Geoffrey Wever, ta contesta extensamente. Tin minister cu nunca ta contesta, manera Minister Baba Herde y Mike Eman. Y tin minister cu ta haci burla cu Parlamento, manera Minister Gerlien Croes.

Di e 13 pregunta, solamente un a wordo contesta realmente: e

prome pregunta, kico tabata e motibo di e biahe. E contestacion tabata simpel: pa atende reunion di Rijksministerraad. Pa tur e otro pregunta, e contestacion tabata simplemente “mira pregunta 1” siendo cu pregunta 1 no ta duna tur e informacion, ni tampoco el’a manda documentonan adicional cu mas informacion. Esaki no por wordo considera como contestacion serio ni completo.

Si un alumno na scol contesta “mira pregunta 1” pa tur demas preguntanan riba un examen, e ta haya mal punto. Si un trahado contesta su donjo di trabou asina, en bes di duna cuenta di su biahe di trabou cu e donjo di trabou a paga p’e, e ta perde su trabou. Pero minister Gerlien Croes ta pretende cu e si por contesta di e forma aki, y pretende cu el’a cumpli.

E funcion di Parlamento



Ministerie van Koninkrijksrelaties, Onderwijs, Jeugd, Innovatie en Sport
a. L.G. Smith Boulevard 76, Oranjestad, Aruba | e. MINKOJIS@arubagovernment.aw

Hieronder treft u, conform uw verzoek d.d. 06 november 2025, de beantwoording van de 13-tal vragen zoals gesteld door het Statenlid mw. E. Wever-Croes.

1. Wat was het officiële doel van uw dienstreis naar Nederland?

Bijwonen RMR

2. Kunt u aangeven met welke instanties, functionarissen of organisaties u daar gesproken heeft?

Zie vraag 1

3. Wat waren de besproken thema's tijdens deze ontmoetingen?

Zie vraag 1

4. Was er sprake van een uitnodiging of initiatief van de hun zijde, of is de reis geïnitieerd door uw ministerie?

Zie vraag 1

5. Wat zijn de beoogde beleidsmatige of juridische resultaten van deze reis voor uw Ministerie?

Zie vraag 1

6. Zijn er afspraken, intentieverklaringen of samenwerkingsverbanden gesloten of vernieuwd tijdens deze reis?

Zie vraag 1

7. Zo ja, kunt u deze aan de Staten ter inzage aanbieden?

Hier uw antwoord

8. Kunt u een overzicht geven van de kosten verbonden aan deze dienstreis, inclusief:

Pagina 2 van 3

ta pa controla gobierno. E sistema democratico ta traha asina: pueblo ta eligi Parlamento, y Parlamento ta controla e ministernan.

Esaki ta nifica cu e ministernan no ta manda riba Parlamento; Parlamento ta e autoridad democratico na cual gobierno mester duna cuenta. Pa e motibo aki fraccion di MEP a manda un carta fuerte bek pa e minister, pa e contesta e preguntanan manera nos Constitucion ta prescribi.

Ora un minister no contesta pregunta parlamentario completamente, e no ta solamente evita contesta un parlamentario, pero e ta evita transparencia pa cu pueblo di Aruba. Duna informacion na Parlamento no ta un favor cu un minister ta haci; e ta un obligacion democratico y constitucional.

Transparencia no ta opcion. No ta algo cu un minister por scoge ora e kier. Transparencia ta un obligacion cu ta bin cu e puesto di minister. Sin transparencia, no por tin control. Sin control, no por tin confianza.

Y sin confianza di pueblo, ningun gobierno no por funciona.

Transparencia den nombramento na WEB: MEP TA PIDI CLARIFICACION RIBA CUMPLIMENTO CU GOOD CORPORATE GOVERNANCE

ORANJESTAD - Fraccion di Movimiento Electoral di Pueblo (MEP) den Parlamento a haci pregunta na e minister encarga cu energia tocante e recien nombracion di un director nobo na Water- en Energiebedrijf Aruba (WEB).

Den e preguntanan, e fraccion ta pidi clarificacion si e nombracion a tuma luga conforme e reglanan di good corporate governance cu ta aplicabel pa companianan di gobierno. Segun e principianan aki, posicionnan di e nivel aki mester wordo habri pa un procedura di solicitacion habri y publico, pa asina garantisa transparencia,

igualdad di oportunidad y seleccion di e candidato cu e miho cualificacionnan.

Fraccion di MEP ta considera cu e reglanan di good corporate governance ta hopi importante, pasobra nan ta garantiza un maneho transparente y responsabel di companianan publico. Companianan manera WEB ta pertenece na comunidad di Aruba, y pa e motibo ey e proceduranan di nombramento mester ta cla, transparente y basa riba cualificacion y merito.

Cu e preguntanan na e minister, e fraccion ta busca pa haya claridad si a sigui e procedura corecto di solicitacion habri, ki



tempo esaki a tuma luga, cua tabata e exigencianan di e funcion, y cuanto otro candidato a aplica pa e posicion.

MEP ta enfatisa cu mester respeta e principianan di good corporate governance, pasobra esaki ta esencial pa mantene confianza di pueblo den

gobierno y den maneho di companianan publico. Transparencia y bon gobernacion ta keda puntanan central pa un gobernacion responsabel.

PROGRAMA DI DIVINO MISERICORDIA NA NOS ISLA TV CANAL 23

Pa un charla interesante tocante e dia cu nos Señor a pidi 14 biaha, esta “Diadomingo di Divino Misericordia” y tambe pa e programa “Dile a todas las almas acerca de Mi misericordia”, tur ruman ta keda cordialmente invita pa sintonisa Nos Isla TV canal 23.

noticia

Lo presenta e charla “Diadomingo di Misericordia” na tres diferente idioma :

- 6 di april na Spaño
- 7 di april na Ingles
- 8 di april na Papiamentu
- 9 di april e programa “Dile a todas las almas acerca de Mi Misericordia” .

Tur e programanan ta cuminsa pa 9:00 P.M.

Ta celebra e “Diadomingo di Divino Misericordia” e prome diadomingo despues di Pasco di Resurreccion.

Nos Señor a bisa na Santa Faustina cu a pesar di Su pasion amargo, hopi alma lo bay perdi. E dia aki ta nan ultimo speransa di salvacion, Hesus a bisa.

Soeur Gaudia Skass, kende ta pertenece na mesun Congregacion cu Santa Faustina tabata forma parti di dje, lo presenta e charla.

Por fabor comparti e informacion aki cu otro ruman. Hesus a bisa na Santa Faustina cu hopi alma lo wordo salva door di e obra aki.

STATEN VAN ARUBA
Fractie Movimiento Electoral di Pueblo

Onlangs is in de media bericht dat het staatsbedrijf WEB een nieuwe directeur heeft benoemd. Naar aanleiding hiervan ontvang ik graag nadere informatie, mede in het licht van de regels en principes van good corporate governance die van toepassing zijn op overheidsvennootschappen, waaronder transparantie en gelijke kansen bij de vervulling van topfuncties.

In dat kader verzoek ik u vriendelijk de volgende vragen te beantwoorden:

1. Heeft er voorafgaand aan de benoeming van de nieuwe directeur een open sollicitatieprocedure plaatsgevonden?
2. Zo ja, wanneer is deze open sollicitatie uitgeschreven en via welke kanalen is de vacature gepubliceerd?
3. Wat waren de formele functie-eisen en selectiecriteria voor de functie van directeur?
4. Hoeveel personen hebben op de functie gesolliciteerd?
5. Kunt u aangeven wat de achtergrond en kwalificaties waren van de gekozen kandidaat en van de overige kandidaten (in algemene zin, zonder namen indien nodig)?
6. Indien er geen open sollicitatieprocedure heeft plaatsgevonden, gaarne aangeven waarom niet?
7. Indien er geen open sollicitatieprocedure heeft plaatsgevonden, acht u dit niet in strijd met de regels en principes van good corporate governance die van toepassing zijn op overheidsvennootschappen, waaronder transparantie en gelijke kansen bij de vervulling van topfuncties?
8. Welke procedure is gevolgd bij de selectie en benoeming van de directeur, en welke organen of instanties waren hierbij betrokken?
9. Heeft de Raad van Commissarissen de voordracht gedaan en is hierbij volledig gehandeld conform de corporate governance regels die gelden voor overheidsvennootschappen?
10. Kunt u bevestigen dat bij deze benoeming alle principes van transparantie, gelijke kansen en good corporate governance in acht zijn genomen? Zo ja, graag een toelichting.

Ik verzoek u deze vragen binnen 3 weken te beantwoorden, **derhalve uiterlijk 16 april 2026.**

Hoogachtend,

Evetyn Wever-Croes
Fractieleider MEP

SOPÍ DI LETRANAN

S	C	W	H	E	S	T	R	E	L	L	A	S	O	P	A	P	Q	Q	P	E	S
V	E	H	H	Y	S	Z	V	F	O	A	S	C	C	N	L	V	E	Z	M	T	A
P	N	D	I	Z	H	H	H	W	E	N	A	U	P	R	A	Z	L	Z	S	T	
G	S	R	I	E	K	O	T	H	A	T	C	T	B	L	U	N	B	C	T	E	
X	Y	Y	A	O	X	S	C	T	Y	O	E	X	X	V	U	T	E	J	F	H	
S	E	Y	T	H	R	A	I	K	L	B	L	U	J	P	H	U	T	A	T	O	
O	A	E	X	N	L	O	P	R	K	H	I	Z	C	S	A	Q	W	O	S	A	C
Z	N	I	T	R	T	T	E	S	E	U	T	H	U	C	E	R	E	S	N	K	S
V	W	A	X	V	Y	F	V	T	Y	O	E	S	E	O	I	O	R	E	T	S	A
I	E	B	S	A	O	W	B	E	E	K	S	S	H	T	H	U	T	W	H	M	L
P	K	N	H	R	L	B	H	S	Y	M	A	M	A	I	G	G	N	Z	Y	R	Z
H	O	F	U	Q	H	A	O	G	O	S	A	I	U	E	J	R	P	K	W	A	R
U	N	N	B	S	H	L	G	N	O	B	W	X	M	R	R	E	T	I	P	O	J
B	A	T	X	P	A	F	U	L	T	X	I	L	E	R	B	Q	V	F	W	V	E
U	R	I	Z	P	H	T	U	E	L	W	Y	Q	A	A	A	Q	E	B	T	U	A
S	U	O	W	B	P	B	H	E	R	C	U	R	I	O	I	W	F	L	K	Q	Y
X	T	O	P	E	E	E	K	A	M	E	K	A	M	B	V	F	J	O	Q	T	H
R	K	H	N	N	K	D	R	I	U	F	N	O	I	E	I	L	C	B	H	R	G

UNIVERSO Y PLANETAS

GALAXIAS	COMETAS	URANO
VÍA LÁCTEA	NEBULOSAS	NEPTUNO
ESTRELLAS	MERCURIO	CERES
PLANETAS	VENUS	PLUTÓN
SATÉLITES	TIERRA	HAUMEA
SOL	MARTE	MAKEMAKE
ASTEROIDES	JÚPITER	ERIS
METEOROIDES	SATURNO	

SUDOKU

	3		2		9		7	
9			4	1	3			8
		1		7		3		
7	1			4			9	5
	8	6	9		7	4	3	
5	9			2			8	7
		8		6		9		
6			1	3	2			4
	4		8		5		6	

		6	7		4	9		
	5			6			8	
2								5
3								1
1								2
	8						3	
		7				6		
			3		9			
				8				

	7			6				9
6			5				8	
		4				7		
	3				6			
2				5				8
			4				1	
		3				4		
	2				7			3
1				8			2	



Oracion di dia

UN FELIZ DIA Y CU DIOS BENDICIONA BOSO RICAMENTE

”P’esey obedece y sigui tur cos cu nan bisa, ma no haci manera nan ta haci si! Pasobra nan mes no ta haci loke nan ta bisa. Mateo 23,1

Rumannan e Palabra di Dios ta siña nos cu nos mester ta atento, hopi hende ta papia bunita pero nan bida ta mustra e contrario.Nos mester purba sigui e bida di Hesus.

E no ta facil pero e recompensa ta Bida Eterno. Awo cu ta tempo di Cuaresma ban pidi Hesus laga nos cana hunto cu nE.

Si nos conoce su Palabra ban bibe. Ban cana cu Hesus, ora nos trompeca pidi’E lanta nos bek. Bunita ta cay y lanta bek y reconoce cu nos a comete un eror y pidi pordon. Sea humilde.

Oracion: Dushi Hesus nos kier ta humilde, cana den Bo pasonan. Guia nos y mustra nos cua ta e obra cu Bo kier nos haci den e Cuaresma aki. Laga nos papia y ta un ehempel di Bo den obra y nos bida diario.

DVG CU YAMADO PA ACCION CONTRA CRIADERO DI SANGURA

ORANJESTAD, Aruba – 26 maart 2026: Directie Volksgezondheid (DVG) ta haci un yamado pa accion na tur ciudadano pa tuma responsabilidad inmediato den reduccion di criaderonan di sangura riba nos isla.

Investigacion den barionan rond Aruba ta muestra cu apesar di esfuerzo continuo di seccion di GKMB canando cas pa cas educando y concientizando comunidad, ainda ta encontra hopi cas y localidad cu awa para of acumula innecesariamente. Cada caminda cu awa ta keda para ta un potencial criadero di sangura y un riesgo directo pa bo famia y salud publico.

DVG ta enfatisa cu elimina awa para ta e paso mas urgente y efectivo pa corta e cadena di reproduccion

di sangura y reduci e cantidad di sangura adulto cu ta bula rond.


Mirando e situacion regional, unda casonan di Chikungunya y Keintura Geel ta sigui aumenta den paisnan cerca di nos, e nivel di alerta mester subi. Aruba no ta exclui di e riesgo aki.

Ademas, DVG ta urgi comunidad pa conoce y reconoce e sintomanan di Chikungunya y Keintura Geel. Si despues di biahe un persona presenta keintura, dolornan fuerte den curpa, dolor di cabes of otro señal sospechoso, mester busca atencion medico di inmediato y informa tocante su historia di biahe.

DVG ta infatisa cu prevencion no por wordo posponi. Proteccion di salud publico ta depende di accion inmediato di tur ciudadano.

Kita tur awa para cerca di bo, tuma accion awe.

DVG ta sigui monitorea e situacion di cerca y lo sigui informa comunidad di cualkier desaroyo relevante. Seccion di GKMB ta spuit den bario unicamente den caso di casonan positivo di malesa transmiti pa sangura. Core rond y spuit manera antes no ta responsable tampoco eficiente y no ta resolve e problema real cu ta cuminsa na e awa cu ta keda



para innecesariamente. Bo Salud Nos Prioridad Pa mas informacion like nos Facebook page

Directie Volksgezondheid DVG Aruba, Follow nos riba Instagram [directie_volksgezondheid_aruba](#),

of Follow nos den WhatsApp Channel, subi nos website [www.dvg.aw](#), yama nos na 5224200 of

FORTALEZA PA FAMILIA

Scirbi pa Pastor Marcel Balootje.

E PORDON DI DIOS, TA SURPASA TUR COS

Hende kier pone masha condicion ora nan tin cu pordona otro, por ehempel:

Mi ta pordona, pero mi no ta lubida.

Mi ta pordona pero no lage pasa banda di mi.

Mi ta pordona pero e no ta hanja nada mas serca mi.

Mi ta pordona pero mi no kier sigi biba hunto cune.

Mi ta pordona pero no lage , ni pasa banda mi entiero.

Mi ta pordona pero lage lubida cu e ta mi familia.

Mi ta pordona, pero e cos cu e haci esey e por bien lubida , cu nos ta ruman.

Y esun di mas fuerte ta hende cu ta practica falta di pordon , manera nan nunca a haci fout.
Corda riba Colosensenan 3:12-14.

Pero palabra di Dios ta bisa cu si nos no pordona, nos ruman Dios tampoco ta pordona nos (Mateo 6:14-15) Cual ta un condicion hopi serio, cual Dios ta pone pa nos, y cu nos mester respeta, pasobra falta di pordon tin hopi consecuencia doloroso.

Pero abo a yega di pensa con Dios su condicion ta cu nos. ora Dios ta pordona nos?.



Den Jeremeias 31:34 ta para scirbi: Pasobra lo Mi pordona nan inikidad, y nan pica lo Mi no corda mas.

Wake diferencia entre Dios y hende y corda cu e palabra di Dios ta bisa cu nos mester ta imitadornan di Cristo Hesus, kende a muri na crus pa nos picanan wordo pordona.

Isaias 43:25 ta para scirbi: Ami si, Ami ta esun cu ta kita bo transgreshonnan pa Mi mes causa, y lo mi no corda bo picanan. Tene cuenta cu ora Dios pordona nos , nos picanan nos ta keda liber, y Dios nunca lo bin tira nos cuenta bieu bek den nos cara.

Hebreonan 8:12 ta para scirbi; Pasobra lo Mi tin misericordia di nan inikidadnan, y lo mi no corda nan picanan mas.

Danki na Dios pa su eterno misericordia, cu nos por keda

libra di pica, y asina e diabel no tin caminda di gara den nos bida.

Pesey e palabra di Dios ta bisa den Isaias 43:18-19, pa nos no corda riba cosnan cu e pasa caba, pero mira cu Dios ta bay haci cosnan nobo. Awendia nos por nota con berdadero e palabra di Dios ta, pasobra biba cu cosnan di pasado riba nos consenshi ta haci nos malo, ta trece stress, amargura, depresion, y ta afecta nos salud mental.

Hebreonan 10:17 ta bisa lo siguiente: Y nan picanan y nan inhusticia lo Mi no corda mas. Esey ta pa tur hende sa cu no tin di ofrece ningun sacrificio pa pica pasobra Cristo Hesus su sacrificio ta un biaha y pa semper.

Tin hopi hende cu ta malo, amarga, den situacion dificil pasobra, nan no kier pordona, ni tampoco laga los for di pasado, tin hopi hende

ta biba den scuridad, pasobra nan no sa con sali for di pica of nan ta rechasa e unico forma pa sali for di pica.

Ta para scirbi den 1 Juan 1 :9 y esaki ta conta pa tur hende, bisando: Si nos confesa nos picanan E ta fiel y husto pa pordona nos no picanan y pa limpia nos di tur inhusticia.

Prome cu nos reconcilia cu Dios, mester bini confesion na Dios, y arepentimento, pa asina nos bida ta keda den bon relacion cu Dios, pasobra sin confesion y sin arepentimento no tin pordon di pica.

Awendia tin hende cu no kier pordona y reconoce e Soberabia di Dios den nan bida, y nan ta sigi biba den scuridad manera nan kier pensando cu nan por ganja Dios.

Sinceramente, Pastor Marcel Balootje.